



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Provincia Gallaeciae.

urn:nbn:de:hbz:466:1-15324

Bigastrum. In Concilio Toletano , in quo tantum episcopi suffraganei Toletani præfulis conuenerunt , subscriptit Bigitus episcopus Bigastrensis . Erat prope Illicem & nouam Carthaginem , vt ex diuisione Vvambæ patet : non habet episcopum , neque locum nunc certum . Aliis Biluestre in finibus Portugaliæ , opidum ditionis Rui Velazquez auunculi Infantium de Lara , ex historia antiqua .

Illicis . Hanc Plinius prope Carthaginem nouam ponit . *Prope flumen Tader , ait , colonia immunis Illicis , unde Illicitanus sinus .* Idem Mela . Nonnulli ex nostratis Alicante portum maris Mediterranei , alii Elche opidum nobile prope Carthaginem , non procul a mari , existimant . Verum cum Plinius Illicem prope flumen Tader collocet , hæreo hac in re ; præsertim cum Florianus & Naugerius Tader flumen Seguram esse dicant . Et forte ea fuit Illicis , quæ nunc Origuela supra Seguram posita prope oram maris . Nunc habet episcopum suffraganeum archiepiscopatus Valentini , a Carthaginensi dieceesi his temporibus disiectum auctoritate Pauli IV. pontificis maximi .

Astigi : hodie *Eciæ* . Mela vrbium de mediterraneis hanc clarissimam in Baetica appellat , cum Hispali & Corduba . Nunc caret episcopo , estque in dieceesi Hispalensi . Hanc coloniam fuisse , & Augustam Firmam cognominatam , scribebit Plinius .

Elotona . In Concilio Toletano sub Gundemaro rege æra 648. quod coactum fuit ex solis episcopis prouinciae Carthaginis , subscriptit Sanabilis ecclesiæ Elotonæ episcopus ; forte Eliocrotæ , sicut in Eliberitano subscriptit Successus Eliocrotæ episcopus . Eliocrota in itinerario Antonini ponitur a Carthagine Spartaria vigintiquinque millibus passuum distans : forte euersa a Gothis , sicut Isidorus Carthaginem fuisse tradit . Sunt tamen qui dicant esse Lorcam supra Carthaginem , septemtrionem versus . Et fortassis episcopus qui hic subscriptit , aliunde fuit , & vel exul , vel negotiorum causa , Gothorum curiam sequens , Concilio huic interfuit . nam tales in Conciliis admittebantur , seruato loco & voce .

PROVINCIA GALLÆCIAE.

1. Bracara metropolis , hodie *Braga* . A Plinio ponitur conuentus ciuitatum viginti quatuor : vocatur Augusta Bracarum . Habet nunc archiepiscopum & suffraganeos .

2. Portucale : hodie *el Puerto* , ad ostium Durii fluuii sita in ora mari Oceani , habet amplum portum : Cale ab Antonino appellatur , sive adiecta voce portu , nunc Portucale . Festabole quoque appellabatur . Cale autem appellatio multarum ciuitatum , vt est in Campania , Flaminia , & in Gallia . Vide Seruum ad illud 7. *Æncidos* , *Quique Cales linquunt* . habet episcopum .

3. Conimbricia : nunc *Coimbra* in Lusitania . Alii scribunt Conimbrica ; alii ex marmororum inscriptionibus , Conimbriga . Resendius & Barrerius Lusitani docti putant esse Condexam veterem , non Coimbram , vt multi putant nominis allusione decepti . Coimbra nunc

ANNO CHRISTI 569. episcopatum habet, & insignem academiam supra Mondega fluuium sitam.

4. Egitania, vel rectius, ut antiqua monumenta habent, Igæditania, & Igæditani, ut in veteri pontis Alcantarae inscriptione est; nunc vicus obscurus *Eidania* dictus. Episcopalis sedes in Guardiam translata est. In Concilio Emeritensi Igædita in prouincia Lusitanæ ponitur, Canone octauo.

5. Vesco, siue Viseus, nunc *Viseo* in Lusitania. Ptolemæus in Hispania Tarraconensi Visontium collocat. Quem locum Varrerius Lusitanus in sua chorographia a Viseo multis leucis distare erudite docet. Hodie & sedis episcopalis antiquam dignitatem & nomen retinet, parum a fluuiio Mondega versus septemtrionem distans.

6. Lameco, vel Lameca, nunc *Lamego*, in Lusitania ad Durium amnem sita, sedem episcopalem habet.

7. Vectica: a Vectonibus, qui Plinio, Liui & Cæsari Hispaniæ populi sunt in Extramaduræ tractu. Ptolemæo etiam Vettones Lusitanæ populi, quorum meminere Appianus, Strabo, Plinius, Prudentius, & alii. Vide Resendum in epistola ad Vasæum scripta. Prudentius Emeritam coloniam Vettoniæ appellat lib. *Περὶ τοῦ Φθιώτων*, de martyrio sanctæ Eulaliæ.

Nunc locus Emerita est tumulo,
Clara colonia Vettoniæ;
Quam memorabilis amnis Anæ
Præterit, & viridante rapax
Gurgite mænia pulcra lauat.

8. Dumio, monasterium prope Bracaram singularis obseruantiae, in Hispania a Martino ædificatum, & cuiusippe fuit primus abbas & episcopus, & ob eius honorem in episcopalem sedem erectum. Hodie templum extat miræ antiquitatis, de quo abunde ab historicis nostris scriptum. Attribuitur ei tantum familia regia, hoc est regimen sanctorum monachorum. nam ipsi sunt ex regia familia: & alibi dicitur familia seruorum, qui Christo regi summo dicati, studium omne in cultu religionis & pietatis collocant.

9. Auria: hodie *Orense* ad amnem Minium sita. Inde Auriensis episcopus: agnoscit nunc pro metropolitano Compostellanum archiepiscopum.

10. Tude: hodie *Tuy*, episcopalis sedes Compostellano suffraganea, ad Minium sita, prope litus maris Oceani, vbi confluit Ana fluuius. Ab Antonino inter Bracaram & Astoricam collocatur: forte hæc quam Silius Italicus lib. 3. *Ætolan* Tydem appellat.

11. Luco: hodie *Lugo*, olim Sueuorum tempore sedes metropolitana, post Bracaram. Nunc episcopatum habet agnoscentem metropolitano Compostellæ. Apud Plinium, Lucensis conuentus populorum est X VI.

12. Iria: hodie *el Padron*, in regno Gallæciæ, vbi cum primo corpus D. Iacobi quieuisset, postea Compostellam translatum. In Iria autem dicitur verbum Dei primum annuntiassæ. Episcopalis sedes

Compostellam traducta, ad altiorem dignitatem ob honorem sanctissimi apostoli crecta, pietate & deuotione Alfonsi Casti Legionensis regis.

ANNO
CHRISTI
569.

13. Britonia, vel *Britania*, vel *Britinia*, seu *Britonium*. Tempore Alfonsi Casti Legionensis, anno Domini 873, in consecratione ecclesiae Compostellanae ab ipso magnifice aedificatae, inter alios decem & septem episcopos interfuit Theodorindus episcopus Britoniensis. Sunt qui dicant, esse *Mondoñedo* in Gallacia vel prope eam. Alii, ut *Vaslæus*, ex sententia Resendii, ciuitatem in Portugalia Interamni, prope Vianam, quæ dicitur *de Camigna*, cuius etiam nunc vestigia extare Resendius affirmat. Verum in antiquo codice manuscrito in diuisione episcopatum legitur: *Ovetum, hoc est, Britonia, exempta a Gallacia Bracara*. In IV. Tolet. subscribit Metopius Britaniensis episcopus, & in VII. & VIII. Tolet. Sona seu Sonanus, & in III. Bracarense, Bela Britaniensis episcopus. Nunc exempta nullum Hispaniae recognoscit archiepiscopum. Habuit aliquando concepcionem Ioannis VIII. pontificis maximi ius metropolitanum.

14. Asturica: *Astorga* hodie. Plinius in transmontanis eam ponit, & ait esse vrbem magnificam. hodie dignitatem retinet episcopalem; insignior sacerdotum copia, quam ciuium multitudine: sequitur Compostellæ metropolim. In antiqua partitione ecclesiarum Hispaniæ, quam in Alueldensi codice videre licet, in prouincia Gallacia non ponuntur plures quam haec quatuordecim. Verum ex diuisione Vuambæ, & Conciliorum prouincialium subscriptiobibus, additur Caladonia, seu Caladunum, quæ Callaicorum Bracarorum vrbis est apud Ptolemæum; & ab Antonino ponitur inter Asturicam & Bracaram.

PROVINCIA LUSITANIAE.

1. Emerita metropolis: dicta *Emerita Augusta* a militibus emeritis Augusti, ut Isidorus habet lib. 15. cap. 1. originum: nunc *Merida*, Anæ fluvio imposita, omnique auctoritate expoliata atque destruta, nihil praeter ruinas & magnæ antiquitatis vestigia retinet; estque militia diu Iacobi in spiritualibus attributa, nullum episcopum agnoscens. Ius autem metropolitanum in Compostellanam ecclesiam translatum a Callisto II. papa maximo est. Ex hac vrbte diuia Eulalia martyr fuit, de qua Prudentius in ipsius hymno.

*Carmine nobilis Eulalia,
Mortis & indole nobilior:
Emeritam sacra virgo suam,
Cuius ab ubere progenita est,
Oscibus ornat, amore colit.*

2. Aucla, nunc *Auila*: forte scribendum Abella. Est eiusdem nominis vrbis in Aprutio, & altera in Campania. De posteriori Ambrosius Leo, cuius est patria, tres libros composuit; sicque dictam affirmat a Græca voce ἀελλα, eo quod ventorum flatibus sit valde obnoxia. Quæ nominis ratio & nostræ Abellæ valde qua-